

Իսկ թէ որպէս ժողովին զոսկին՝ ծա-
նիրս կէս կէս թզաչափ եղէգս շարեւով
առ միմեանս առնեն իրր զգօտի և կապեն
զմիջովը իւրեանց, և սկսանին որոնել ի
մէջ աւազոյ զոսկին, և զորս ընդ աչօք
անկանին՝ ժողովին և դնեն ի միջաց եղէգսն:

Բայց զոն և այլ բազմութիւնը ոսկւոց
ի յաւազին, որը ոչ անկանին ի ներքոյ
տեսութեան աչաց աւազանման որ կոչի՝
սու ալթընը, որը ոչ ճանաչեն և ոչ կա-
րեն ժողովել, և ոչ զիտեն զտելն հրով.
զի պարտէին զայն ամենայն աւազսն ի
մէջ տաշտի զօրէն արայճից լուանալ, և
այնու կարէին գտանել զոսկին: Բայց
տիմար և աւաղ անմտութեան նոցա:

Սակայն թողմամանն եւս բազումս աշ-
խատեցաւ առնուլ զայն աւազն ոսկւոյ,
և փոխանակ նորա զկնիքն, այսինքն
զսիկկէ թագաւորական հանել, այլ ոմանք
հաճեցան և ոմանք ոչ: Եւ այսպէս մինչեւ
ցայժմ ոչ ունին զսիկկէ, այլ կշռով զոր-
ծածեն:

Եւ այն ժողովեալ ոսկին հարկւրական
տրեմ հալեն մի մի սիւպիւքէ շինեն և
բերեն թագուհւոյն. և թագուհին առեալ
դնէ ի ներքս ի պալատի գանձատանն, և
զոմանսն տայ գանձապետին իւրոյ, և նա
կտրատէ զնոյն սիւպիւքէն ոսկին և 88
տրամ կշռով ոսկին դնէ ի մէջ մի մի կո-
տոր աստառի կամ կտաւի կապէ ասղա-
նեօք, և կնքէ. և այս 8 տրամ կապոց
ոսկւոյն վաքիէ կոչեն: Եւ յորժամ հրա-
ման գայ ի թագաւորէն տալ ռոճիկս ա-
րանց այսչափ վաքիէ, յայնժամ գանձա-
պետն տայ զայնքան վաքիէ, եւն...:

Շարաթուն յերկուս աւուրսն վաճառ
լինի. և ամենայն ոք յաղքատաց զնան
ի վաճառն, և զշարաթօրեայ պիտոյսն
պարտին զնել անտի, և ոմանք եւս փո-
փոխելով առնեն. զոր օրինակ, զկորեկն
տայ և զգարի առնու. զցորեանն տայ և
զսիսեռն առնու. զբակլան տայ և զոսպն
առնու, զհաւն տայ և զմիս առնու եւն.
զի ի մէջ քաղաքի կրպակս ոչ ունին ի
վաճառել զիրս. և զհացի սերմն ամենայն
ոք ի տան ունի. և ի տան իւրում ամե-

նայն ոք առնէ զհացն, զի հացավաճառ
փուռ ոչ գոյ ի քաղաքի: Եւ զցորենի հացն
ոչ ուտեն. բայց ի սեղանս մեծամեծաց
բաց ի յիւրեանց հացէն, ցորենի հաց եւս
գոյ, սակայն զծուխ դարբնոյ յատուկ մու-
ծեալ են որ ոչ կարէ ուտիլ հանգստօրէն:

Եւ դարձեալ, չորս ժամաւ հեռի ի Կեօն-
տէրէ մեծ լիճ մի գոյ, որ է մայրն և
սկիզբն Էգիպտացոց Նեղոս — Նիլ մուպա-
րեկ — գետոյն, և զոն բազում կղզիք ի
լճի անդ, որոց ոմանք ճգնաւորաց վանք
են և ոմանք կուսանաց վանք, և նաւակըն
որով զնան ել և մուտս առնեն՝ եղեգնեայ են:

Այլեւս ի լիճս յայս զոն բազում գո-
մէշանման չորքոտանի մեծ կենդանիք,
բայց զեղջիւր ոչ ունին. սերնդագործեն
ի ցամաքի՝ ելեալ ի ջրոյ ի վերայ հողոյ,
և յայնժամ ի թաքստի կացեալ որսորդըն
հրացանիւ հարկանեն զնա ի բազում տեղիս,
և ընդ անկանելն զնան և մորթեն զնոսա,
և հանեն զմորթն, որ չորս մատնաչափ
թանձրութեամբ է, յորմէ կազմեն զվա-
հանն: Քանզի յետ չորացուցանելոյ զնա
մի մատնաչափ թանձրութեամբ մնայ,
յայնժամ ոչ սուրն հատանէ զնա, և ոչ
հրացանի արճիճն անցանէ ընդ այն:

Եւ ի յերկիրս այս հապէշու բազում
և բազմատեսակ կենդանիք զոն, և մա-
նաւանդականն է փիղն, արջն, առիւծն.
Իսկ կապիկը հազարաւոր ի միասին շրջին,
սորա եւս տեսակ տեսակ են, և յայս
կապկաց զոն եւս իշաչափ և երկայն ձե-
տով որ ի վերայ մեծ ծառոց շրջին, որ
և տեսեալ թողմաման և վկայէ: Սակայն
այս ամենայն կենդանիք եթէ ոչ երկնչէին
ի հրացանից՝ ոչ ոք կարէր զճանապար-
հորդութիւնս առնել: Այլեւս ի բազում
գետս սոցին բազում կոկորդիլոս գտանին,
որպէս պատահեցաւ եւս թողմամանին,
որ ի մահուանէ ազատեցաւ:

Այլ արդ, այսքան ծանօթութիւն հա-
պէշ թագաւորութեանն Կեօնտէր քաղաքի
բաւականասցի, և եկեսցուք ի կարգս
պատմութեան գանձապետ թողմամանին
որ ի 1765 թիւն Փրկչին:

(Շարունակելի)